

四庫全書

集部

欽定四庫全書

集部  
歸田稿卷八

詳校官中書<sub>臣</sub>瞿 照

中書<sub>臣</sub>劉源溥覆勘

總校官進士<sub>臣</sub>繆 琪

校對官檢討<sub>臣</sub>李學 錦

謄錄監生<sub>臣</sub>左 熙世

欽定四庫全書

歸田稿卷七

明 謝遷 撰

七言律詩

贈伍主事全監權場事竣還京

寂寞山村獨養疴，遙聞還旆欲如何。  
斯文契誼更三世，歧路離情寄一歌。  
報國惟應寬稅權，承家端不忝賢科。  
椿庭念舊如相問，為道殘衰兩鬢皤。

次雪湖韻挽華廷禧少叅

文星忽墜夜猿驚  
哀些憑誰寄此情  
青眼雲霄成夙契  
白頭林壑負前盟  
薇垣人頌冰霜操  
梓里家傳月旦評  
望斷龍泉空淚眼  
微茫江樹暮雲橫

贈方司訓考績之京用雪湖韻

家聲自昔重秋崖  
管領文風到海涯  
道企蘇湖分教範  
學宗洙泗得心齋  
門牆人已誇多士  
干羽時方舞兩階  
久識囊錐今脫穎  
陽關聊復寓離懷

烟霞深處舊丹崖老我歸休汝水涯  
司教適當淹蔽邑  
論文時枉過荒齋興來高論風生座  
醉後狂歌月上階  
歧路悠悠真念別好音何日慰吾懷

睡起二首

信手拈書倦即休清茶白飯更何求  
一鳴不悔當頭斥  
百鍊那堪遶指柔霜鬢每憐青鏡曉  
雪心真愛碧山秋  
臨池魚樂相忘久卻笑敲針作釣鉤

端居亦自笑痴頑飽食無營只看山  
長豆莢肥供茗椀

老藤陰密護柴關坐來水閣忘三伏逢著仙人說九還  
佳境到頭人未識黑甜一枕醉醒間

納涼

炎天何地著衰翁竹裡空堂一榻風露渚光搖螢綴草  
月林影亂鵲驚叢臥看星斗揮輕箑渴憶溪泉喚小童  
忽聽鄰雞狂起舞奮身欲上廣寒宮

待月

林間何事月來遲三五清光未便虧雲漢已橫天北極

水輪猶隔海東涯  
凭欄誰是同心者  
把酒吾當一問之  
江上有鯨長幾許  
今宵不讓謫仙騎

夜坐二首

桐帽棕鞋舊葛裳  
閒來心地倍清涼  
冥搜自喜身猶健  
露坐寧知夜未央  
塞上老翁誰得馬  
世間岐路總亡羊  
多情最愛青天月  
穿透疎林直到床

老天還我舊烟霞  
信道吾生自有涯  
佳客不來頻掃榻  
好山難致即移家  
半窓細雨千竿竹  
十畝晴雲五色瓜

月滿平湖天共遠擬乘清興泛仙槎

甃厓

試移頑石補甃厓四角寬平愜素懷真境且拚供潦倒  
俗緣何苦費安排竹須畧洗通幽徑草不全除護淺階  
問道丹邱更何有箇中風月已無涯

夜起

夢騰總帳奈蚤雷更覺輕風忽遠來聲在樹間秋信蚤  
漏當夜半斗杓回蓮乘玉井新分葉露憶金莖舊賜盃



起坐空亭清不寐半輪山月共徘徊

池上二首

風吹細浪碧粼粼水面微涼透葛巾何處更尋三島路  
此心頓洗十年塵不嫌鷺宿移蓮近為愛魚肥喚草頻  
興到一樽成獨酌待邀明月作嘉賓

脫巾露髮坐臨池波底流星又一奇皓月不來如索價  
好風能至亦催詩舟常倚棹懷安道琴不調絃待子期  
卻恨掛冠猶欠蚤清歡須及未衰時

金史四庫全書  
卷七  
酷暑歎

漠漠炎埃障大荒  
火輪停午晝偏長  
科頭竟日真如醉  
赤腳層冰未當狂  
強學地仙揮羽扇  
為迎田父倒荷裳  
桔槔聲裡心猶渴  
安得天風送雨涼

晝寢

萬國紅爐苦蘊隆  
故人無處覓清風  
虛意且寄陶潛傲  
朽木何妨宰我同  
閉戶怕誰驚夢醒  
脫巾翻自愛頭童  
起來渴吻思鯨吸  
便向前溪采碧筒

晚步

沿流步屨漫尋涼  
目送漁舟帶夕陽  
綠樹森疎重掃石  
碧流清淺試褰裳  
炎埃幕地歸牛喘  
暝色穿林宿鳥忙  
忽憶馭風凌倒景  
短筇直上最高岡

聽鶯

長夏幽居睡起遲  
綠陰何處轉黃鸝  
塵針俗砭誰能識  
斗酒雙柑我自持  
妙手只輸摩詰畫  
高懷且和少陵詩  
老來真得山林趣  
謾說蕭韶叶鳳儀

習靜二首

一塵不到水邊亭  
掃石焚香晝掩扃  
方沼萍開魚掉尾  
高崖松動鶴梳翎  
窓臨絕澗涵虛白  
山隔重湖送遠青  
更是晚來羣動息  
空庭仰臥數流星

古崖陰翳竹間藤  
箕踞空堂枕曲肱  
不耐塵容回俗客  
獨餘衰鬢媿禪僧  
神遊碧落虛乘鶴  
興到清猗試采菱  
報道海田瓜又熟  
滿前真對玉壺冰

覺衰

右臂加酸搦管難重揩  
昏睫歎衰殘  
門無車轍宜酣睡  
飯有魚羹亦強餐  
霜鬢向秋深  
漸白葵心傾日晚  
尤丹好懷多謝東鄰叟  
斗酒相過且盡歡

偶興

曲徑踈籬擁薜蘿  
晚風紅落豆花多  
南山夜半牛堪飯  
東海門深雀自羅  
遺恨未酬三顧寵  
清商誰解五噫歌  
漫將舊硯臨池洗  
莫遣餘生待墨磨

憂旱

奇峯旋復散炎飈抱甕沿溪歎沃焦生怪亂螢依腐草  
更堪多莠壓良苗炎威入夜愁雲漢涼意先秋跂斗杓  
欲挽長江媿無力憑誰一滴借天瓢

筆餽雪湖辱佳咏依韻奉答

管生聊遣直文房小竹皮冠舊羽裳光藉剡川澄素練  
香分蟾窟搗玄霜憑誰較藝論工拙未許齊肩競短長  
莫笑中書君已老曾隨鴈鷺入班行

聞蟬

山下孤村綠樹稠  
新蟬處處競號秋  
吾方幸與塵相遠  
爾若不鳴山更幽  
飲露吸風宜自足  
緣枝抱葉復何求  
阿翁真愛華胥境  
午睡酣時可暫休

鳥聲

吾愛吾廬鳥亦忻  
好音時復送殷勤  
數聲出谷眠初醒  
巧弄當筵酒半醺  
細和石泉流瑣碎  
緩隨山靄度氤氲  
閒情總是傷春後  
猶勝寒蛩四壁聞

憫稼

離離禾黍正懷新可奈炎飈作態頻聲斷桔槔空入夜  
望窮阡陌總浮塵焦枯物色將秋際憔悴民生況海濱  
且復殷勤問蒼桑林有禱格蒼旻

新月

火雲飛盡火星流忽見清霄月一鉤斜落酒尊如解飲  
稍穿房戶亦尋幽清光微引金風動皓魄低涵玉露浮  
便欲脫巾相對酌不堪衰鬢影蕭颯

七夕立秋



七夕人間值立秋斗杓回指火西流乍聞細雨隨風至  
頓覺炎埃匝地浮老我憂懷忘就枕何人乞巧競登樓  
天公肯借銀河水一洗閭閻旱暵愁

新秋即事懷雪湖

晚風細細雨踈踈為報新秋入井梧最喜鬱蒸如暫解  
猶憐枯槁未全甦吟肩企遠勞雙聳坐榻便涼學半趺  
軒從乘閒能一過豈無白飯與青芻

望雨

人言秋雨傍雲生望雨瞻雲眼倍明觸石片時如有意  
泥塵數點更無聲深淵叵奈龍痴睡高垓空聞鸛獨鳴  
寂寞傳巖何處是坐來懷古不勝情

秋涼

郊墟一夕動新涼蟋蟀聲多近我床風度疎松將入室  
露零蔓草欲沾裳槎浮漸覺星河近銍又猶憐里巷忙  
燈火簡編妨老眼意前惆悵舊螢囊

虹見

海濱枯悴到山顛  
赫日炎炎類火然  
微雨方將沾下土  
妖虹忽復亘南天  
來蘇愈渴蒼生望  
斬伐誰司白帝權  
怒髮上衝冠  
欲裂胸中長劍倚空懸

培芋

平疇滿眼盡枯荄  
尤向山中惜芋魁  
翠葉翻雲能自庇  
赤心承露且加培  
全收敢望三秋富  
苟活須憑一雨來  
分付家僮勤著力  
歲寒還我地爐煨

微雨

暮雨如絲泥旱塵歡聲也復動比鄰未論潤及禾苗遠  
且喜涼生枕簟新霖霖有功潛入夜鬱攸為虐動經旬  
老天若慰雲霓望一夕滂沱遍海垠

農歌

犂确聲頻歎桔槔農歌幾處競啾嘈力勤總為早來苦  
響答遙聞夜轉高俚語鄉音皆入調炎風烈日敢忘勞  
康衢擊壤風寥邈漫采新腔續楚騷

聽琴聯句贈允恭二尹

載鼓瑤琴見故情馮相逢青眼倍分明采芳正憶猗蘭

遠

謝

感舊尤憐別鶴清流水高山千古意馮玉壺冰壑

一鄉評杏庄重結新蓮社謝歲晚頻過不負盟馮

湖亭清畫水雲深謝風月幽懷托素琴思遠忽驚秋鴈

過

馮

調高真訝海龍吟紅塵蚤識焦桐尾謝皓首重聞

大雅音短句贈君慚白雪馮悠然坐對碧山岑謝

新獲

山杭秋蚤熟黃雲側耳歡聲此乍聞豐樂未酬鄉社願

金華集卷七  
新嘗聊慰老農勤  
撫時空自懷惆悵  
思孝先應薦苾芬  
更辦分毫了官稅  
田間一飯敢忘君

放魚

涸澤空憐煦沫頻  
盆池尚可活纖鱗  
惠施亦未知莊叟  
子產何當信校人  
待決西江應入肆  
遠懷東海漫垂綸  
臨淵坐對悠然境  
一躍萍開爽氣新

喜雨二首

雨來秋後苦嫌遲  
猶勝秋前不雨時  
炎燄障天愁漠漠

焦枯被野歎離離  
蹄涔先慰牛羊渴  
秕稌聊充老稚饑  
霖雨豐年乖夙志  
悲歡隨衆亦何為

夜聽簷溜到天明  
喜見陂塘水漸生  
芽甲旋萌枯菜色  
笙歌忽動渴蛙聲  
老農簑笠經時廢  
野渡舟航何曉橫  
為語鄰翁好相慶  
晚禾猶望一分成

閏歲二首

憂時長自祝年豐  
造化霑濡苦未公  
白露已零猶渴雨  
青苗欲秀蚤摧風  
預憐官府催科拙  
坐見閭閻杼軸空

金  
卷七  
道與觀風諸使者好將民瘼達宸聰

脫卻朝簪學老農海鄉無奈歲頻凶眼看多稼秋乾死  
夢駭洪濤夜怒衝雲漢仰瞻天萬里風茅驚捲屋三重  
先憂心在知無補辟穀惟應伴赤松

中秋晴霽已而風雨驟作次雪湖韻

散盡秋陰更晚晴天公似亦解人情廣寒宮闕依然迥  
近水樓臺分外明丹桂遠移巖壑影素娥虛度珮環聲  
青樽肯負今宵約風月平分有舊盟



玩月山堂正喜晴怪風吹雨忽無情一尊傾倒初分夜  
萬壑陰森直到明摧偃忍看禾稼色怒號驚訝海潮聲  
來年預禱中秋節莫更豐隆敗我盟

和雪湖登高之作

秋入西山爽氣回欲酬佳節共登臺酒須客至方當熟  
菊待詩催故晚開星聚每煩占會老時違端合賦歸來  
白頭強健蒙天假卻笑星星負此杯

采芳尋勝步紆迴四面林巒百尺臺花下一尊仍對酌

竹間三徑為誰開  
南山晚色悠然見  
北鴈秋聲暮地來  
忽憶楚騷增舊感  
高歌激烈且停杯

寄和西涯守歲韻

換卻龜符淨掃塵  
衰顏喜色動先春  
守除夜覺寒更永  
履泰朝迎淑氣新  
歲月駸駸將奈老  
乾坤納納苟容身  
有懷朋舊從頭數  
湖海晨星得幾人

悼黃廷璽太宰

宦轍歸來各病鄉  
病鄉聞訃倍心傷  
哀歌強續招魂些

嘉話徒懷會老堂行見秋原荒宿草可憐寒月落空梁  
雞壇舊契今餘幾一束生芻淚兩行

雪湖山庄雅集次韻時方即席家下忽報屈二守  
及門遂不及盡歡而別

林閣頻頻折簡招午風村郭酒旗飄白連雲谷秋光老  
紅入霜林霽景饒洛社舊遊增勝槩楚壇餘勇植高標  
無端又作匆匆別追憶清歡悶未消

風雨夜宿山庄懷雪湖

夜窓風雨送清寒老眼昏燈展卷難木榻擁氈供瞌睡  
地爐煨芋當加餐鴻鈞又喜陽來復鳳歷俄驚歲欲闌  
相約尋梅妨路滑聊憑尺牘問平安

元旦紀興次雪湖韻

郊居忽漫入新年老去襟懷益澹然三島晴霞瀕海曙  
一犁春雨徧湖田村醪獻壽聊相慰野服迎賓取自便  
獨奈沉陰妨賀轍願瞻旭日麗中天

新正苦雨用前韻寫懷

閭里凶灾憶舊年又驚物候轉悽然積陰猶蔽三陽日  
靈潦重傷二麥田比屋羣嗟真耳熱一餐獨飽豈心便  
農祥懸望新春後時雨時暘共荷天

立春前一日大雪用前韻志喜

過卻殘年望有年曉來驚喜雪紛然先春一日猶成瑞  
瀕海羣黎快力田木屑火溫愁睡足梅花春細苦吟便  
扁舟忽動王猷興卻怕篙工又怨天

春雪不已用前韻答雪湖見懷二首

金史卷之七  
舊聞春雪兆豐年雪更彌旬思黯然且向寒爐需茗椀  
漫勞風駕稅桑田閉門高臥宜衰晚抱膝長吟覺靜便  
想見青陽方婉婉晴來即是賞花天

雪夜圍爐又隔年撫時懷舊獨醒然詩情每共尊前燭  
農話惟勤雨後田海底魚龍猶自蟄山間松檜久相便  
尋春重負湖船約目斷城西欲暮天

苦雨歎仍用前韻

老來學稼不逢年災沴頻仍每愴然八月颶風真立海

一春霖雨又漫田  
鬱愁烟塞薪尤急  
行奈泥深屐未便  
瞻望晴曦何處在  
排雲直欲見青天

喜晴用前韻東雪湖

雨窓悶坐晝如年  
忽覩晴光獨快然  
波蘸長楊黃冉冉  
風牽荇帶翠田田  
谷嵐溪漲時俱勝  
畫舫籃輿意總便  
明日尋芳成舊約  
詠歸同樂舞雩天

湖庄小集次雪湖韻

陽和一脉洊來還  
兩眺亭臺紫翠間  
楊柳巷通山北垞

木蘭舟倚水西灣風光總是三春好世路誰如二老閒  
東作又興方入念問閭稼穡舊知艱

疊前韻酬雪湖

短楫輕風午釣還數聲欸乃水雲間碧含香露桃千樹  
翠抹晴烟柳一灣藉草醉眠芳徑穩臨流坐對浴鳬閒  
探春直到山深處自詫躋攀力未艱

再疊前韻酬雪湖

鄰蝶過牆忽復還杖藜吾亦憇花間新篁倚石通幽徑



宿鷺窺魚占淺灣對景乍疑春事蚤玩芳真愛老身閒  
郢中清唱仍須和頗奈癯翁韻險艱

酬雪湖雨中見懷仍前韻

悶懷仍逐雨聲還浙瀝虛簷醉夢間村牧路迷寒荷笠  
海艘帆重暮歸灣湖添水色思君遠窓掩梨花伴我閒  
乘興欲尋雙短屐出門預恐踏泥艱

山庄候雪湖不至用前韻奉懷

坐看孤雲載鶴還夕陽倒影在林間雨深草色斜侵徑

蛙雜春聲聞隔灣歲月無情空歎老溪山有約且乘閒  
誰言命駕輕千里咫尺猶憐會晤艱

山亭獨坐用前韻遣興四首

白雲生處一僧還清磬泠泠杳靄間蜂採野花歸洞窟  
鹿尋芳草過溪灣眼前往事真成夢身外浮名得自閒  
吾愛吾廬春睡足逢人漫說畏途艱

慣客家童貰酒還酒旗搖颭杏村間連雲麥穗平過隴  
刺水蒲芽露淺灣多景軒開真得趣無絃琴在足消閒

興來且就鄰翁飲一醉俱忘歲事艱

采藥仙翁去不還神仙踪跡渺茫間  
山圍松塢青連壑水蘸柴門綠遶灣  
倚檻靜聽啼鳥緩隔簾細數落花閒  
春郊隨處尋芳好剪卻荆榛路不艱

斜日深林鳥倦還樵歌遙在嶺雲間  
落花趁水流紅雨舞藻因風動碧灣  
邱壑未應嫌我老烟霞長自伴人閒  
客來更喜村酤近三百青蚨幸不艱

瑞連次雪湖韻為劉明府作

一曲南薰蚤放衙蓮塘笑看並頭花蓬萊仙子雙奇瑞  
太乙真人獨寵嘉源接秘湖芳有自春分玉井浩無涯  
遙聞歌頌違清賞喜動衰顏望眼賒

再和瑞蓮一首

荷花深護使君衙瑞應駢頭十丈花雅致勝邀君子愛  
清芬兼稱幕賓嘉雙金炬出蓬壺境二華峯移舜水涯  
麥秀兩岐同一頌田家有酒亦頻賒

夜宿山庄聞蛙聲東雪湖

湖陂青草雨餘時  
草裏笙歌也自奇  
卜歲預應知水旱  
向人何必為公私  
坐來雜遝春聲亂  
數不分明夜漏遲  
老我山村方習靜  
可堪驚斷夢中詩

疊前韻答雪湖

鶯啼蟬噪各乘時  
屬耳春蛙亦好奇  
車轍怒當矜爾勇  
魚池爭聚許誰私  
驟隨山雨驚雷急  
緩共村雞送曉遲  
心與地偏喧更寂  
燈前呼紙漫裁詩

再疊前韻二首答雪湖

湖頭新漲拍天時萬口同聲互出奇  
硬語如聞獨樂樂  
微生容有不平私松濤雜雨翻空遠  
池草經春入夢遲  
寥落水鄉人境別且憑鼓吹代催詩

好音過耳及春時直笑聲喧也獻奇  
居向水安如遁跡  
鳴從天假豈營私弄晴羞逐鶯簧巧  
出土寧同蚓竅遲  
何幸遭逢歸品第鬪雞須藉孟韓詩

賀龍山太宰得孫及得從曾孫志喜各一首

槐分世譜幾千葉蘭茁庭階第一孫  
佳氣充閭連故里

德星炤夜自初昏兩朝舊笏龍光遠萬卷遺書手澤存  
燕翼不須厪作室于公只合再高門

羣從孫多又見曾一門福履更誰勝光昭世德槐陰密  
歡動慈顏鶴筭增瀛海仙源流慶澤丹山雛鳳協休徵  
鴻臚復有熊羆夢佇聽君家燕喜聲

山庄雅集次雪湖韻兼柬龍山太宰二首

勝賞如今不偶逢東南具美自天鍾童迎客慣門常掃  
屐到山深徑亦從頻遇好花開笑口緩尋芳草憇閒踪

豪來更詫身强健同上栖霞第一峯

湖船春水笑相逢自信窮鄉樂事鍾香社壺觴諸老會  
舞雩童冠幾人從柳塘波漫知魚樂松塢雲深企鶴踪  
白雪再歌琴再鼓夕陽天外數青峯

李正之醉夢窩次雪湖韻

世路紛紜總戲場黑甜仍學次公狂倒尊真得華胥樂  
高枕寧知藥圃荒一鳥花間和太白羣兒池上笑高陽  
秘方願授君無吝老我惺惺久病鄉



和雪湖觀笋之作

綠竹添孫伴我閒  
鳴琴酌酒對青山  
雷聲驟解龍鬚籜  
日色平臨鳳尾班  
蔣逕舊閑宜直造  
衛風雅和合重刊  
硬差端不勞山谷  
自喜田園蚤遂還

疊前韻酬雪湖

幽居何地可消閒  
愛護龍孫每在山  
凌亂錦裯疑入畫  
參差簪筆儼分班  
封君千戶真堪等  
醫俗單方永不刊  
賸欲留公叅玉版  
鴈鴟聲急又催還

寄和李西涯種樹之作并用元韻奉懷各一首

閉門長閱舊農書樂與山間草木俱自詫犁鋤培植慣  
况當雨露發生餘石因分種雲根動憲待成陰晝影虛  
漫說秋林紅葉好且看新綠坐停車

北鴈遙傳尺素書開緘一笑慰離居花前對局知難再  
天外停雲思有餘容膝易安門獨掩知音不遇席長虛  
幾回夢覺增惆悵高閣分明逐小車

山庄懷雪湖

山居夏半尚清和  
倏霽還陰似養禾  
晝寢正甜嗔鳥弄  
午耘齊力愛農歌  
沙鷗翔集波千頃  
村犢休耕草一坡  
悵望素心人不遠  
及時行樂意如何

湖亭晚興

梅風吹雨晝生涼  
雨後登臨野興長  
兩岸柳搖新漲綠  
隔湖雲壓暮山蒼  
松闌杳靄歸禪衲  
荻港依稀出釣航  
散步卻嫌雙屐短  
且從孺子和滄浪

苦雨寫懷

金華集卷之七  
海  
天風雨苦颼颼  
盛夏生寒訝蚤秋  
晨戍不聞喧鼓角  
夜床頻起索衾稠  
山村路杳雲重暝  
野渡舟橫水亂流  
預恐霖霖傷稼穡  
倚闌無語望西疇

湖庄小集次雪湖韻二首

綠槐庭院晝陰清  
門外魚罾曬晚晴  
坐有盤餐延客慣  
居無塵累覺身輕  
尋常行樂須同調  
信宿淹留未盡情  
攜手過橋仍一笑  
海天空濶遠山橫

擺脫塵羈且共遊  
茶鐺釣具滿船頭  
浮名久負湖山勝

懶性真便水竹幽風約浮萍雙鯉出雨深腐草亂螢流  
扣舷一曲聊乘興驚起波心幾白鷗

送鄭司訓被召北上

妙年逸足怪淹遲天路于今信所之三載廣文官似水  
一時公論口如碑棟橈次第收才俊鵬鷺從容邁羽儀  
宣室懷賢定前席問閭民瘼已周知

次雪湖韻賀徐善應入學

興賢有路自天開樂育于今廣茂才玉種藍田真待價

芹香泮水且加培  
寒燈夜雨潛心在平地  
春雷得意回  
為憶廷評重感慨  
佇看光賁及蒿萊

中秋玩月用潘南山韻二首酬雪湖

今昨何人覺是非  
山間行樂漫隨時  
清輝萬古中秋月  
對影三人太白詩  
香社舊傳諸老會  
嫦娥應笑獨醒痴  
好懷重訂雲湖約  
短棹輕風兩釣絲

一豐頓掃屢凶愁  
社會仍同玩月遊  
山外戍樓宵柝靜  
湖邊村落水亭幽  
井梧影入輕風亂  
巖桂香凝湛露浮

白酒易醒豪興發數聲長嘯海天秋

疊前韻酬雪湖二首

青鏡空添白髮愁喜逢佳節且同遊  
瓊樓玉宇光初滿赤壁丹崖景倍幽  
舞興未闌嗔鶴睡歌聲忽動遏雲浮  
田家豐樂今真遂更祝年年似此秋

手探月窟愧才非遙挹清光尚及時  
掃石焚香仍對酒當筵擊鉢戲催詩  
狂歌激烈那因醉老興婆娑恰似痴  
自許素心同皓魄玄黃變態漫悲絲

聞毛汝礪繡衣過杭寄一律 舊紹興府推也

憲節遙聞駐武林稽山父老藹棠陰和風甘雨終遺愛  
苦蘖寒氷只素心紅樹隔江雲渺渺青驄攬轡路駸駸  
攀轅有地無能縮徙倚山亭悵獨吟

重陽懷雪湖有作

茱萸曳紫菊垂金獨對青樽強自吟遙望好山空罨畫  
可憐佳節負登臨林延返炤烟光負水落寒潭鴈影深  
多景滿前秋未老賞心盟在合重尋



雪湖和章許續登高之約予復偶小冗不遂再用

前韻申意

供具猶存舊賜金可無嘉客伴豪吟汗顏折簡孤成約  
極目高軒誤枉臨籬落晚香黃菊老樓臺情景白雲深  
空山木葉霜初落行跡依稀尚易尋

菊釀新萵淡漉金佳辰勝賞待賡吟西山爽氣崇朝見  
南澗清流竟日臨綠上階苔經雨舊紅翻林葉醉霜深  
橘中聞有商山樂擬及登高一共尋

再酬雪湖用前韻四首

芳辰何啻直千金殘菊猶堪動醉吟  
風逗石泉聲碎落雲開巖壁勢平臨  
茱萸汗焰蓮塘靜薜荔牆通竹徑深  
好景天留娛老眼短筇長屐漫追尋

東籬采采勝黃金滿袖寒香坐對吟  
地擁烟霞長作主山園雉堞舊名臨  
尊前岸幘風光好林外停車節候深  
醉臥松陰忽驚覺懸崖倒影落千尋

晚霞晴景炫流金餘興猶成采菊吟  
石磴崿嶇攀更上

溪流清淺坐仍臨  
門緣客掃情如故  
酒挾詩狂量亦深  
悵憶南山元入社  
比來何事費招尋

菊圃離披滿地金  
餐英漫作楚纍吟  
山坳古路嵐光斷  
屋角危峯畫影臨  
旅鴈將蘆凌漢遠  
游魚在藻樂池深  
眼前風景皆詩料  
佳句時來不費尋

雪湖過償前約疊前韻奉酬

愛閒拋卻舊腰金  
靜裏高眠醉裡吟  
撫景慨傷秋別去  
候門驚喜客過臨  
山含宿靄光逾遠  
菊傲微霜色正深

幽壑斷邱雙屐慣路經窈窕不須尋

倒橐真輕陸賈金奚囊隨處足清吟菊泉勝賞重陽後  
蔗境餘甘泰運臨留客無期須盡醉入山有路不嫌深  
白雲堆裏高眠穩樂在閒中且自尋

浮生安用滿籬金光景無邊醉樂吟草閣凝香微雨潤  
石壇過影片雲臨芙蓉垞杳回舟遠枸杞泉甘引絙深  
菊圃落英餐自足漫勞藥籠隔溪尋

冬仲雪湖過我山庄用前韻紀興漫次一律奉酬

虛窓晴影竹篩金清坐閒翁對榻吟天外霞隨孤鷺遠  
地中雷動一陽臨披雲高步仙壇迥竟日冥搜古洞深  
勝事與公方自得卻嗔俗駕驀來尋

撥悶用前韻東雪湖

靈丹點鐵未成金梁父新題續舊吟碧漢每懷乘鶴上  
澄淵不為羨魚臨千秋搖落悲年晚孤燭熒煌坐夜深  
流水高山誰共賞素琴獨抱欲相尋

韓司寇許締姻喜而有作用前韻東雪湖

此翁然諾重千金標有梅詩帶笑吟兩姓懿親成好合  
一堂嘉會待光臨歡生連理天緣定廕藉安陽世澤深  
喜事報公公亦喜通家盟舊不須尋

新正次雪湖韻述懷兼訂春遊之約

宦路歸仍舊束書當年遭際本寒儒休徵又喜先春至  
太朴何妨與世殊家慶一堂重保錫歲寒三友試披圖  
酣餘步健能追鶴卻笑兒孫強欲扶

預約春遊辱手書太平真逸兩迂儒煖烟晴日韶光蚤

剡水殘山樂事殊，千古高風香社會。  
四時佳景輞川圖，村庄只隔洹湖嶺。  
石徑籃輿不用扶。

次簾山黃門韻約遊杏庄二首

風送春香入野庄，花開銀杏白于霜。  
客須知己長懸榻，話到忘形每闕堂。  
烟外垂楊迷望眼，雨前新茗漱枯腸。  
舞雩歸處宜高咏，先訂佳期寓短章。

陽和旋逐斗杓回，雨後波涵絕岸隈。  
橫野被風翻麥浪，空庭粘絮落蜂媒。  
酒須家釀先春熟，門待朋簪竟日開。

赤壁重遊携二客洞簫蘭槳幾時來

酬雪湖見懷用前韻

閉戶山間理舊書書多健忘愧通儒  
遊從有幸居相近澹泊無營志不殊  
詩慢罰依金谷數笑長模得虎溪圖  
帽簷時挿花枝重生怕風欺手自扶

見雪湖遺腹孫用前韻志喜

積善原深更積書高門家世業專儒  
天全碩果根株茂人羨龍駒骨相殊  
異日定酬傳笏志只今已應聚星圖



提携猶喜翁強健望八年來杖未扶

酬西涯仍次聯句韻

素心人遠苦縈思何處梧桐老鳳儀高誼每懷千里駕  
閒情都付百篇詩悠悠世路年華改寂寂山扉晝景遲  
擬向蘭亭續修禊斯文寥邈慨羲之

雨後懷雪湖簾山因賦一律奉速

雨過林巒翠欲流煖風湖曲聚浮漚花間晴影迷蝴蝶  
柳外新聲度栗留勝景無邊成獨往賞心何處憶相求

知君賸有臨流興已辦青尊待唱酬

和雪湖清明雨中見懷

白鷺羣飛下沈寥頂絲披雨亂飄蕭  
草生夜入池塘夢麥秀朝聞里巷謠  
吊古永懷寒食候采芳欲上遠山椒  
湖頭符帶牽新翠分付舟人緩著篙

山庄候雪湖不至用前韻寫懷

水雲飛盡見空寥嫩綠池塘兩岸蕭  
蕭卻掃未容來俗駕咏歸聊復趣童謠  
山厨午餉餘燒笋野店春醅勝和椒

笑看波心垂釣者巨鮎那得上長篙

杏庄春遊次簾山韻三首

湖邊風景愜清遊峻嶺崇岡竹更修  
滿地落花紅雨亂  
隔林啼鳥綠陰稠  
玉川高誼來雙鯉  
弘景閒情付兩牛  
一味一觴春晝永  
笑看簷雀上簾鉤

花徑殘紅掃不空  
庭前雙鶴自開籠  
一簾柳絮飛晴雪  
十里湖堤臥采虹  
農餉依稀村巷北  
漁歌欸乃水雲中  
放舟直過余支曲  
蘭槳輕搖遡遠風

燕乳鶯嬌未暮春芳筵勝賞集嘉賓  
新蒲短刺晴波出  
弱柳低含宿霧顰  
白髮可能饒貴客  
青山端不負閒人  
年來自詫園居富  
掃得殘花作錦茵

寄壽李西涯七十用雪湖韻

花滿平泉巷陌深  
葛巾藜杖謝朝簪  
古稀華誕新添笑  
舊有靈丹勝點金  
崧嶽望高仍異數  
谷蘭香遠尚同心  
渴懷直欲凌風去  
拍手簷前和醉吟

次韻酬吳天彝太守惠笋

急電催雷起蟄龍  
龍孫無數濕雲籠  
渭川已在封疆外  
嶰谷須歸律呂中  
玉版擬叅開石路  
錦裯初解散林風  
分甘多謝清貧守  
滿薦春盤壓晚菘

新茶饋雪湖辱佳咏次韻奉答

春芽采采衆芳前一掬  
何當詫屑然烹鼎薦添文武火  
分餅遙試玉珠泉  
味輕湛露憑消酒香謝昌陽笑引年  
慚愧題絨聊問訊扣門驚動日高眠

雪湖歸自鄞辱示紀行佳作依韻奉酬且訂山庄

之約

北窓長日臥看山興在松雲杳靄間  
正憶孤琴候蘿徑  
忽經介使扣柴關  
槐風當午簾垂地  
梅雨經旬水沒灣  
湖上采菱成舊約  
畫船同載夕陽還

山庄酬雪湖見過二首用前韻

脫卻塵羈共碧山  
閒踪只在兩湖間  
雲來遠岫時排闥  
風掃閒花晝擁關  
釣艇歸遲迷北垞  
羽觴流急過前灣  
何當並挹浮邱袂  
探取青蘂問九還

千頃玻璃四面山  
閑風玄圃在人間  
不妨石壁高垂鎖  
誰識青牛蚤度關  
看竹興來那問主  
採蓮歌罷且歸灣  
旁人笑指湖邊景  
天與閒翁任往還

山庄獨坐用前韻遣興

獨倚吟筇對遠山  
嵐光雲影有無間  
衰年自愛招提境  
往事真過夢覺關  
睡犬晝閒楊柳巷  
浴鷗晴占蓼花灣  
落霞盡處湖天迥  
極目青冥一鳥還

西巖晚望仍前韻

欲凌倒影强登山  
山外斜陽綠樹間  
橫笛路迂歸牧隴  
遠鐘烟暝逗禪關  
湖波茂草青千頃  
海嶼晴霞錦一灣  
石上浩歌仍待月  
披襟散髮暮忘還

臨流寫懷仍前韻

迂愚自笑欲移山  
身世悠悠醉夢間  
苔徑有塵風卻掃  
柴門無客晝長關  
疎松偃處雲橫壑  
宿鷺歸時雪點灣  
荏苒年光東逝水  
臨流悵望幾時還

睡起偶成仍前韻



睡覺前楹忽見山清風多在綠陰間蜂粘花粉時穿牖  
鶴避茶烟每闌關雉堞斜連林外麓蜃樓高起海西灣  
晚涼徐步溪邊犍牛背斜陽一笛還

微雨納涼仍前韻

一縷閒雲偶出山茫洋俄訝薄玄間片時舒卷渾無跡  
明日陰晴總不關風送晚青歸樹杪月涵涼白倒溪灣  
空階露坐饒清興點檢詩逋漫了還

撥悶仍前韻

世路塵氛不到山，雲中茅屋兩三間。  
採芳何用頻經壑，習靜真宜蚤閉關。  
吠犬鳴雞如隔巷，白蘋紅蓼自成灣。  
疏畦卻愛溪流近，笑看長髯抱甕還。

憫旱仍前韻

悵望晴雲只在山，不堪炎燄滿人間。  
縱橫魚輟猶濡沫，寂寞龍宮未啓關。  
擺極根枯連廣陌，桔槔聲斷架空灣。  
向來霖潦今安在，願藉天瓢一挽還。

喜雨仍前韻

雲膚觸石起前山甘雨崇朝遍兩間  
海宇頓消三伏暑龍宮洞澈九重闕  
綠簑青笠東西壤短楫輕舟遠近灣  
野老相逢歌帝力稿苗生意一時還

蚤秋即事仍前韻

晚來爽氣動西山便覺秋聲在樹間  
月暗候蟲喧四壁風傳戍柝警重關  
仰觀流火橫天末漫憶浮槎渺漢灣  
一雨及時成樂歲村村貫酒棹歌還

和吳石山四首夏日偶成

一簾草色雨添青  
高揖軒岐補難經  
當午竹床眠正熟  
隔林茶臼夢初醒  
泉深丹井時分杓  
雲暗松溪漫采苓  
我欲相從傳秘訣  
龍泉山頂結茅亭

寓杭偶成

曾約相携上翠微  
柳蜩忽變杏蜂飛  
琴囊劍匣歸須早  
白雪陽春和更稀  
苔襯屐痕通葯圃  
雲移潭影上漁磯  
悠悠世路真如夢  
往事何勞問是非

杏庄避暑

湖庄寥廓衆峯青  
晝挹涼風夜數星  
竹杖芒屨溪上路  
直闌橫檻水邊亭  
榻常掃處書高枕  
茶自煎時戶反扃  
聞道攢眉來入社  
好音先慰北山靈

湖山唱和

十里湖山著小庄  
閒情聊復為詩忙  
不辭罰數依金谷  
忽遇知音倒錦囊  
兩屐漫尋芳徑曲  
一壺側掛小車旁  
有時夢入西堂夜  
雨後春香草滿塘

中秋辱雪湖見懷次韻奉邀

綵霞飛盡碧天高坐覺涼颼入鬢毛  
曖曖村墟宜社會稜稜秋氣助詩豪  
游魚破浪依寒藻馴鹿歸柴飲野蒿  
今夜月明須共賞山間清景屬吾曹

中秋後一夕雪湖過山庄玩月仍前韻奉酬

待月空亭興倍高桂巖懸影鳳梳毛  
清輝不減中秋夕良會真逢此世豪  
歲事薦登豐芋栗盤餐粗具雜蘋蒿  
踈星掩映飛烏鵲佳句來時壓老曹

松雲為丁文華作

其人善畫

白雲深護老松根  
晚景盤桓舊主人  
山雨欲來驚鶴夢  
天風忽動落龍鱗  
巢居杳靄真成隱  
畫筆模糊妙入神  
幾為采苓迷卻路  
不知空翠濕衣巾

賀徐善應登科次雪湖韻

足躡雲衢萬里青  
胸中吞吐渺蒼冥  
鄉邦嘉運真千載  
家業專門舊一經  
名上賢書騰茂實  
光生華閥慰先靈  
崢嶸頭角須珍重  
平地人方訝震霆

哭李西涯

死別吞聲杜老詩一吟雙淚不勝悲  
長箋短札勞頻寄  
海角天涯慰遠思  
陽羨卜居空有約  
汝南會老更無期  
瓣香聊寓平生意  
目斷寒雲北鴈遲

兩峯親家在顧喜而有作且申款留之意

淮海分携又十霜  
江雲江樹兩微茫  
迎門一笑秋光好  
秉燭相看夜漏長  
誼重斷金連甲第  
情乖倚玉誤東床  
遠來須盡登臨興  
采采山籬菊正芳

山庄小飲用前韻紀勝



高林紅葉醉青霜  
爽氣稜稜接混茫  
文旆涉江良晤晚  
山庄投轄故情長  
菊觴纍舉仍碁局  
茶竈頻移近筆床  
話舊連宵殊未了  
谷蘭秋老尚同芳

話舊感懷仍前韻

曾共憂時戒履霜  
壯懷今已視茫茫  
空山落木悲年晚  
窮海幽居愛日長  
門迓軒車頻掃徑  
兒收書札滿攤床  
秋光剩得芙蓉好  
同向江頭試采芳

兩峯歸展先塋增光鄉邑  
再用前韻聊致歆羨之

意

森森宰木傲氷霜  
思孝情深格杳茫  
畫錦頓增鄉邑重  
文江真衍慶源長  
千年化鶴歸華表  
五色迴鸞出御床  
陰德美公重裕後  
桂蘭奕葉紹前芳

兩峯言旋疊前韻叙別

旌旆悠悠拂曉霜  
河梁携手思茫茫  
家依海嶠漸荒僻  
路隔江關奈阻長  
塞步可能追逸乘  
離筵猶共促吟床  
香山社會從今始  
松竹梅花耐晚芳

奉陪兩峯過雪湖次韻并贈兩峯

會集羣英古亦稀  
聚星堂啓畫生輝  
交期且共論今昔  
世事何當問是非  
巖桂嶺松宜歲晚  
蓴羹鱸膾及秋肥  
停雲總是懷人地  
南北峯高一鴈飛

送兩峯還途次惆悵不已口占見意

舊遊零落慨晨星  
岐路屏營酒半醒  
越嶠吳江來往地  
霜花楓葉短長亭  
交全道誼頭俱白  
會續耆英眼倍青  
慚愧癡兒孤厚德  
教言臨別重丁寧

贈邑丞蘇君陞武康尹之任

君初自睢寧尹左遷吾邑居二載復

陞武

康

兩載真憐驥足淹仁風卻喜播閭閻七絃雅趣還新調  
列宿清輝應舊占江口潮平仍倚棹馬頭人衆更牽幘  
離亭無限斯文念老眼慙慙動遠瞻

又和兩峯懷湖亭之作

西湖勝景浩無邊湖上高亭遠近瞻兩岸惠風鶯織柳  
半窓晴旭燕窺簾波光耀日浮金鯉潭影涵虛倒玉蟾

記得樓船登眺處養花天氣雨廉纖

哭表弟鄒時英貢士

祿養當年可為貧殷勤勸子我情真  
凌雲志氣談天舌逝水年光報主身  
老桂香消蟾窟露落花恨入杏園春  
秋空斷鴈西風冷翹首睂山泪滿巾

贈張解元懷

龔亞魁

輝是歲吾邑二妙聯  
魁前此所未有也

北海南山兩俊才秋闈高捷詫聯魁  
久知當代奎星聚又喜吾鄉泰運回  
周道並馳千里駿禹門齊上一聲雷

林泉白髮憐衰朽翹首青雲望後來

贈毛德孚張茂登會試南宮

一經原委懋家傳萬里雲程快著鞭  
瑞應聚星重啓運雅歌鳴鹿盛興賢  
魚龍化及風雷際蘭桂芳承雨露偏  
春榜捷音先慰我鄉閭契誼况姻連

送徐善應上京會試

騰驤爭羨出羣才望入青雲老眼開  
京國不辭千里涉嚴冬卻喜一陽回  
人間白壁方諧價天上黃金賸築臺

驛路見梅須寄我寒香應占百花魁

贈屈二字考績之京

暫辭簪筆下鸞坡郡治頻聞五袴歌  
直道行藏輕毀譽勞心撫字拙催科  
甘棠過雨凝蒼靄春水含風動碧波  
路口似碑思借寇九重天遠欲如何

丁丑元旦紀興次

蚤起書雲卜有年游氛盡處見青天  
道隨時泰何妨老心與身閒即是仙  
興在溪山真獨樂業傳農圃久相便

賡吟預訂春郊約喜接郵筒第一篇

再酬雪湖疊前韻二首

湖山待我樂餘年誰信人間別有天  
話止桑麻憐野老食須烟火愧雲仙  
崇岡峻嶺經行遍竹几蒲團對坐便  
懶興為君勾引動短章時復博長篇

漫向新年問舊年衰榮分定總由天  
五湖舟遠歸狂客斗酒筵長對謫仙  
身外浮名羣念息淡中真趣兩心便  
風情惟有詩逋在纔入春來又幾篇



雨後約雪湖游春二首仍前韻

未許春遊獨少年老懷真愛杏花天時臨上巳宜修禊  
地近蓬萊易集仙啼鳥野花行處好清溪石磴坐來便  
湖邊不減山陰勝擬為蘭亭續舊篇

二月風光占一年煖煙籠日雨餘天清平世界藏遺老  
蕭散衣冠會列仙徑襯輦紅吟屐穩湖添新綠釣舟便  
勝遊復恐孤成約折簡殷勤寄兩篇

壽邵文華七十華誕

元方華誕稱家慶岳伯榮歸捧壽卮三世文光餘閥院  
一堂和氣叶埏埴太平時節春無際樂育賢才野有遺  
老我交親情獨厚遐齡願祝過期頤

二月廿日喜諸舅見過次簾山韻奉酬

春眠自愛病軀安杏雨敲窓送曉寒客應燈花先報喜  
路衝泥淖不辭難渭陽地遠情逾厚霜落尊空興未闌  
話到更深清不寐笑看衰影聳吟肩

杏庄春遊次簾山韻四首

醉夢經春乍覺醒無邊春色送春聲雨餘海嶠千峯出  
風煖庭柯一鳥鳴曲水壺觴供列坐舞雩童冠許隨行  
賞心莫負湖山勝珍重湖山不世情

閒門靜掩滿庭芳掃徑俄因客到忙桑柘陰憐鳩喚雨  
稻粱謀笑鴈隨陽烟橫柳巷粧添翠花落苔階點破蒼  
半畝方塘新甃石笑看魚泳漫徜徉

蜂引游絲落碧空短牆幽境往來通柳腰婀娜連宵雨  
花信依稀向曉風畫槳蕩時凌淺碧羽觴停處碍殘紅

詩逋不厭當筵罰金谷從來酒令公

堤柳新條拂水雲臨流小坐散微醺  
窩穿圭竇君休笑  
舟替浮槎我亦云  
雨後魚拋橫玉尺  
風來波疊縐絺紋  
闕津多少迷途客  
樂事渠能竊半分

丁丑夏疽發頸項伏枕逾時近中秋病起雪湖過  
訪貺以詩次韻奉答

數月沉疴仍自逸當年粗健為誰忙  
秋來雅興耽山色  
病後衰顏怯鏡光  
企想故人勞枉駕  
坐延明月慣升堂

平生強項今加疾白眼望天高舉觴

酬劉德夫提學過訪

山扉靜掩養殘生遠路風霜枉旆旌  
末俗何人敦古道舊遊今日見高情  
經幃暫輒司風紀教朴真誇得俊英  
秉燭相看坐忘倦病餘老眼倍分明

酬董文玉宮諭過訪用前韻

三徑秋風草亂生候門連日訝官旌  
雲霄回首十年別甲第聯名兩世情  
剩水殘山宜老朽玉堂金馬屬豪英

海鄉昨夜人爭道南斗文光燭地明

壽諸養忠八十

嘉賓曾共鹿鳴歌忽漫相看兩鬢皤社會好懷仍里閭

姻家遺恨失松蘿

陳氏外孫女許配其孫未及歸而夭

黌宮人訝歸來蚤

壽域天開樂事多誰謂壯猷都未展青雲有子續賢科

西賓朱國材解館辱詩留別次韻二首奉贈因致

後望之意

漫詫山中萬戶侯清風相對兩儒流尋常詩卷娛賡和

粗糲盤餐愧款留豚犬久知非駮駟營巢卻喜得菟裘  
抱琴無惜頻過訪牢落停雲憶舊遊

知君氣槩藐王侯三峽胸中筆倒流少壯交遊成契濶  
荒涼館穀強淹留思歸忽動馮讙鋏共敞空懷季路裘  
滿路雪泥真悵別湖船春水候同遊

戊寅雪湖以予年及古稀而歲裏得閏生辰前已  
立春辱書枉賀依韻奉答

村居樂事未應稀新換桃符壯舊扉誕喜殘年先得閏

金史卷之七  
賀煩華札蔚生輝好山行處真堪畫病筆酣餘尚健揮  
一笑相逢誇矍鑠與君白戰合長圍

燈夕里巷甚譁壻汝才與兒輩閉戶誦習不輟予

甚喜用前韻柬雪湖

中天月朗衆星稀里巷通宵不掩扉寂寞書齋方苦志  
誼譁燈市漫爭輝收心不逐雞豚放振德何須夏楚揮  
為報而翁同志喜門闌光彩炫周圍

雨後懷雪湖用前韻訂遊湖之約



雅會年來怪漸稀  
呼童時復候荆扉  
煖回池草春無際  
喜應燈花夜有輝  
靜晝覆棋仍自譜  
清風談麈向誰揮  
賞心莫負湖船勝  
雨後波光動四圍

酬張舜用秋官用前韻

積雨荒村客到稀  
苔堦綠上欲侵扉  
衝泥忽枉高軒過  
傾蓋真增陋巷輝  
倒屣出迎憐我老  
累觴忘醉共君揮  
滿堂玉屑談方劇  
時仗吳公一解圍

時吳公太守天彝  
在坐相談謹故云

酬張茂登貢士仍前韻

舜用  
之子

後來英俊眼中稀  
蚤歲升堂直啓扉  
天廐神駒猶伏櫪  
崑岡竒璞正含輝  
龍門三級腮仍曝  
筆陣千軍手自揮  
顓望春闈鏖戰日  
當先一鼓破重圍

杏庄遊春次前韻呈雪湖

雨霽山庄趣不稀  
陰森梧竹款重扉  
峯凝宿靄千重秀  
日射流光萬丈輝  
新漲接天舟穩坐  
遊絲惹地手頻揮  
柳塘曲處魚歌動  
驚起羣鳬出翠圍

酬白都閫携酒過訪用前韻

往來車馬久應稀  
忽訝先驅扣我扉  
山郭水村春倍好  
朱旗畫戟畫相輝  
坐因望遠簾高捲  
歌不停聲爵屢揮  
真景一庭供客賞  
薔薇編竹當屏圍

酬陳德光進士見訪用前韻

親朋良晤亦嫌稀  
三徑蒼苔護竹扉  
後閣春深投轄地  
中天夜漏聚星輝  
落花坐久呼童掃  
醉墨豪來對客揮  
莫向俗人誇勝事  
杏山實有錦城圍

飲李揮使水亭次壁間韻

主賓具美擅東南雜還軒車駕兩駝近水亭臺涵倒景  
環城島嶼抹平嵐雨餘楊柳嚙睂展日麗櫻桃笑口含  
試把酒籌嚴將令兵機聊復為君談

壽表兄陳處士七十

里閑高風重太邱羨君能事紹箕裘渭陽推愛頻青眼  
汝曲連甿兩白頭花雨柴門馴野鹿柳風蘭漿狎沙鷗  
太平壽域真遭際海屋看添第幾籌

悼潘賓竹

一派清風紹月林

潘氏舊有月林書院

掀髯長嘯見胸襟情親社

會兼姻黨約訂春遊忽訃音門徑雨深賓竹淚軒窓雲

暝老松陰

其家有松雲軒

傳家莫道無餘物教子分經幾萬金

雪湖山庄雅集次韻

山堂良會快新晴晶瀼湖光接太清嘉釀旋芻凝沆瀣  
羸駝飽秣卸繁纓荷翻翠蓋凌波負稻熟黃雲壓隴平  
晚上北巖重洗耳竹根一派石泉傾

十月十八日雪湖誕辰乃郎告歸稱壽附呈一律

燈窓業進愛賢郎又喜趨庭捧壽觴千丈雪松方挺秀  
一枝玉樹賸含芳高門奕世春常滿化國經冬日正長  
我欲登堂陪晏樂恐妨東道和歌忙

呂明府得子

蘭芽新茁一枝馨昨夜長庚訝倍明百里仁風歌召父  
二雛骨相美徐卿熊羆瑞協先春夢橋梓芳傳奕世名  
借問何時湯餅會欲觀奇物試啼聲

贈邑宰呂侯昨考績之京

薰風解愠入朱絃甘雨隨潮送畫船  
目斷白雲長愛日心懸紫極遠朝天  
承歡道喜京圻便報政人誇令尹先  
百里可能淹驥足雲程快著祖生鞭

送上虞令劉侯近光考績之京

江右從來富甲科越東今喜盛絃歌  
課書上最三年績潤及鄰疆九里河  
農事在懷霖雨足官程入望好風多  
贈行無限斯文念聊向離亭賦碧波

次韻答陳德敷先生

其人善醫年八十一尚清健也

承家不忝太邱名一派仙風自廣成丹竈藥爐供歲月  
麻衣草座傲公卿活人小試岐軒術得句時還雅頌聲  
杖履莫嫌頻過我閒居正喜話無生

贈劉德夫提學陞南京太僕之任

御僕由來簡正人留都地重況欽鄰詞林偃蹇望非淺  
臬府超遷寵更新訪舊曾煩迂使節送行深愧後儒紳  
別情交誼秋空遠惆悵維摩老病身

次韻答表弟鄒經衛景明



吾舅埋光慶澤深一經真勝滿籛金  
青年闕拆成先志  
白首詩書究聖心  
世業有恒思善保  
永淵無際動如臨  
病餘勿藥須珍重  
日日凝眸望好音

贈曹進士子進知興化

雪湖姻家也

甲科人物比兼金  
七步才華出士林  
棣萼春輝南服近  
萱花晚翠北堂深  
承歡漫和安仁賦  
興化仍彈子賤琴  
珍重姻家新托契  
隔江洗耳聽佳音

庚辰新春寫懷

蹉跎光景歎華顛  
憔悴鄉鄰更可憐  
祀國憂懷頻仰屋  
幽風農事獨占年  
課兒恐墜專門業  
歸老誰論負郭田  
忽報陽和回地軸  
海壖卻喜得春先

元宵前一日見雪志喜用前韻呈雪湖

清曉墻梅雪滿顛  
暗香風度隔空憐  
八荒氣轉初元夕  
三白人占大有年  
燈市光輝聯巷陌  
鴻泥踪跡遍原田  
尋春有約須乘興  
莫遣粗豪俗駕先

元宵後雨雪連綿悶坐懷雪湖

滿天風雪倍春寒兀坐懷人思渺漫破帽蹇驢歸杜甫  
舊廬塵榻臥袁安暮年暫覺知心少新歲尤憐會面難  
擬學王猷夜乘興孤舟蓑笠怯衰殘

擬過雪湖為霑雨所阻用前韻申意

春晝沉沉積雨寒兩湖贏得水瀰漫扁舟欲上須乘興  
介僕先驅代問安百五風光真不爽九還丹術諒非難  
華堂莫訝掘衣晚牆角梅花想未殘

雨霽過雪湖問疾用前韻二首

金匱要略卷之六  
卷六  
平湖雨後鏡光寒短棹凌風破森漫倒屣歡顏新勿藥  
歸田生計賸遺安閒情最是春郊好遁跡何妨世路難  
共擬尋芳須強起遠山如黛雪初殘

風動疎簾透曉寒雲歸遠樹晝微漫客舟有約來何晚  
病榻無營臥亦安十里平湖迷望遠一春苦雨賞心難  
乍晴更覺青山好攜手登臨興未殘

雪湖以予長兒正新構仲兒丕得子有詩來賀次  
韻各一首奉答

新構粗營愧菲材  
檉題何敢競歲嵬  
兩山如對門前立  
三徑仍從竹下開  
墻堵及肩聊自蔽  
堂基盈趾漫加培  
廉泉讓水依然在  
願與知心共一杯

舊業惟應老碧山  
新歡何意出人間  
山凝嘉氣充閭巷  
夜望祥星燭宇寰  
今日且須湯餅會  
他年望奪錦標還  
春風滿面含飴笑  
那用青精駐好顏

姻兄宋允恭二尹八十壽詩

華閭元來重廣平  
雲孫風采蚤知名  
藍田公事松間興

香社閒情海上盟八十壽眉纔半白七絃雅調轉雙清  
我來試問長生訣正喜靈丹點鏡成

酬李承裕憲副見訪

守貞司馬之子自都憲左遷來督吾浙海道邊備也

炎煬郊垌苦避人清風憲節忽來旬都臺駭歷威名舊  
委巷過臨道誼真臣似西平宜有子地偏東海久無塵  
江湖迂老重憂國思見元戎號令新

壽許世美七秩初度

華構新營向越城開元詩禮舊家聲閒居蚤遂田園樂

高致都歸月旦評  
誕節喜聞添壽筭  
賓筵想見集耆英  
江東雲樹南飛鶴  
聊遣兒曹寄此情

晏起

日滿東窓睡起初  
秋風鳥雀上階除  
衰顏藉酒猶堪鏡  
短鬢經霜不受梳  
醫俗自誇軒有竹  
具餐誰謂海無魚  
交遊怪底多疏絕  
病筆年來懶報書

次韻答館賓朱東谷留別

舊遊零落歎晨星  
賓館相看眼倍青  
交誼故應追管鮑

文章何必讓孫丁一聲爆竹陽回地三唱驪駒雪滿垞  
湖上尋春仍有約呼兒日日掃門庭

哭雪湖四首

烟霞歸去恨公先八十年來骨已仙清白憲臺真世美  
淵源禮樂勝家傳遺安蚤計辭官祿思孝臨終泣墓田  
公臨終以墓碑  
未立飲泣不已白髮舊遊零落盡望門號慟淚如泉

惻惻吞聲歎白頭兩湖何處覓同遊高山流水憑誰賞  
細柳新蒲總是愁箕帚未閒悲倚玉烟波如舊負盟鷗



郵筒殘簡俱陳跡一度哀吟一淚流

西江桃李滿門牆香社歸來鬢未霜雅志可能隨俗改  
公以春盡卒閒情祇為作詩忙苦吟身與春光去惇德門延

世澤長也欲招魂歌楚些臨風嗚咽不成章

衰年行樂更誰同夜鶴聲高總帳空雲樹望窮雙淚眼  
湖山恨滿幾詩筒斷腸生怕山陽笛乘興猶懷剡水蓬  
兀坐書齋正愁絕落花飛絮亂隨風

鄉同年武林郭敬之通判七十壽詩

萼蘆興動蚤歸田  
闌闌逍遙訝地仙  
鶴筭正逢開壽域  
鹿鳴猶記共賓筵  
長生宴近端陽節  
遺愛歌聞別駕賢  
路隔江關空企渴  
短章聊復寄勤悵

贈朱彥明

歸途邂逅憶同舟  
轉盼俄驚十五秋  
春樹尋常勞我眼  
霜華容易上君頭  
翻雲覆雨何須問  
剩水殘山且自由  
珍重故情來遠棹  
海鄉粗糲漫淹留

晚步

過險方知世路艱  
閒中邱壑任盤桓  
魚羹飯飽腹頻鼓  
山竹居幽身易安  
興在溪流長獨往  
行逢野老慶交歡  
晚來雲盡天如洗  
倚杖逍遙眼界寬

壽張古愚七十

南薰入座畫生涼  
南極當空夜倍光  
聖治肇開仁壽域  
誕辰歡慶古愚堂  
承家蚤擅通儒業  
活幼兼傳邵老方  
悵望賓筵負虛席  
短章聊復代稱觴

贈何方伯道亨擢都憲巡撫河南

金匱要略卷之七  
林下殷勤念舊知平生端不負相期藩垣坐嘯心如水道路歌謠口似碑栢府薦膺天上寵棠陰真慰召南思  
公常為河南郡守 激揚佇聽新風采聖化于今大轉移

次韻答王守谿二首

多稼秋成慶大田更張乍喜解繁絃八荒黎庶蘇疲瘵  
九廟神靈享吉蠲夏俊克知三有宅華封遙祝萬斯年  
林泉幸遂容衰老願效王褒頌得賢

老去成都有薄田優游殘喘賴蒼天江湖萬里雲霄迥

草木經春雨露偏肘後方傳丹藥劑閒中興在白鷗篇  
力田已荷蠲租詔但願頻書大有年

壬午新正次南山韻

逝水年光不解愁芒屨竹杖稱嬉遊湖山許我成三益  
海屋憑誰下一籌棋局坐觀長袖手詩壇端拜合低頭  
新年謝卻門前客怪見兒童蹴戲毬

靳二守昆仲文武聯科

季方韜畧懋家傳伯氏文場得雋先宦路齊驅如異轍

賢科相望亦同年二難濟美成金玉一代流芳炤簡編  
聖主求才真側席策勲擬共上凌烟

送陳子新會試南宮

南都奪得錦標歸秋桂香生戲彩衣丹穴舊巢雛鳳起  
太邱華閥德星輝十年燈火心良苦萬里雲霄願不違  
禮樂專門吾邑盛捷音佇聽冠春闈

癸未新正寫懷二首

百年虛度四之三往事悠悠祇自慚林下身輕猶健步

口中舌在足清談  
浮生漫訝星霜改  
大造真承雨露覃  
苦憶舊時行樂伴  
舞雩何處試春衫

荒陬殘臘煖如春  
共道春來萬象新  
入夜剛風仍作雪  
崇朝寒氣苦侵人  
六花如兆豐年瑞  
四海猶憐鄙屋貧  
安得重陰都散盡  
仰瞻旭日麗蒼旻

和馮炯之燈夕感懷用前韻

兒童兩兩復三三  
奔走如狂也不慚  
街火蒼燈迎淑氣  
山歌野曲問鄉談  
太平有象春光蚤  
荒歉無虞聖化覃

老我閉門高臥穩夜遊仍恐露霑衫

萬方民物正同春元夕燈輝又一新未許少年欺老者  
須知古月炤今人歡騰里巷時開泰業在燈窓道濟貧  
猶子熒熒須寄語好將苦志答穹旻

又和炯之哭母之作仍前韻

流年三十又加三

先母夫人棄背三十又三年矣

祿養心違痛負慚風

木夜添烏鳥恨門牆人廢蓼莪談孝思漸覺餘齡短封  
誥重孤沛澤覃舊感為君增百倍不知清淚濕衣衫



背萱憔悴乍逢春舊恨知君與歲新時序倏更鑽燧火  
陽和如慰寢苦人顯揚志遠終移孝菑穫功深不患貧  
況是德門流慶澤未須號泣上呼旻

王指揮驅逐妖僧馮炯之有詩美之因次其韻

海內于今聖治崇遐陬將領亦承風妖魔遠出郊關外  
正氣全歸號令中保障不孤千里託戡除寧論一時功  
牙旗風颭轅門靜坐對葵心向日紅

桐湖逸墅為邵文實方伯作

何事薇垣蚤乞身，崎嶇世路覺勞神。  
野花幽草新門徑，曲水崇山舊主賓。  
臥看閒雲歸洞口，步隨馴鶴遶湖濱。  
扁舟許我時來往，林下相望兩逸人。

梁掌教被旌獎，吾從弟進過索詩為和。因賦一律。  
桂籍登名遠紹芳，黌宮馳譽稱明揚。  
士林清論真無忝，吾邑斯文倍有光。  
泮水正逢春浩蕩，雲霄佇見鳳翱翔。  
吳興棖摘今方盛，次第先應取棟梁。

松石為詹司訓作

蒼松偃蹇石嶙峋石壁松陰接四鄰雲外采苓隨處足  
夜深待月坐來頻空林猿鶴盟如舊晚歲冰霜意更真  
只恐明堂需大用未容歸老著閒身

次韻寄林見素司寇

領袖真宜壓縉紳旌旄忽訝遠楓宸懸車門舊歸耆德  
借劍名高懾佞臣未老見幾仍及蚤先憂抗疏不嫌頻  
雲莊穩臥加餐飯珍重平生抱道身

一激頽波大有功滔滔皆是古來同心懸魏闕猷仍壯

興在孤山句倍工  
宦路金蘭懷夙昔  
鄉關雲樹悵南東  
白頭晤語知無地  
短札因風托便鴻

送陳甥章之任四川鹽課副提舉

鄉里高門重太邱  
簪纓新喜紹前修  
漢鰲出井真良法  
蜀道登天亦壯遊  
畫錦親庭歸便驛  
秋江客棹趣安流  
守官願爾清如水  
佇聽嘉聲慰白頭

次韻答守谿見懷

懷人心渴類相如  
轉盼光陰又一初  
栗里歸休嗟別路

承明宿直記同廬昌期幸際千年會優禮均沾五色書  
歡晤何時償舊約暮雲春樹立躊躇

壽同年范以貞太守八十

天台深處集羣仙重慶堂高啓壽筵洞口蟠桃春爛熳  
庭前舞鶴晝蹁跹閒情都付耆英會遺愛猶歌太守賢  
悵望雲山寄遙祝故情誰似老同年

次韻答憲副弟二首

自慚衰朽負明時三徑閒情酒一卮棣萼依稀真念別

鴈聲嘹唳強裁詩  
忠貞為國年猶壯  
清白傳家夙所期  
翹首雲衢千萬里  
要看竹帛令名垂

杜卻衡門幸苟安  
不煩臨鏡歎衰顏  
好懷都屬耆英社  
往事真過夢覺關  
乘興有時行伴鶴  
交頤長日臥看山  
光前業付吾難弟  
廣廈仍須庇萬間

哭王守谿少傅

白頭交誼幾人全  
莫逆襟期五十年  
海內久知人仰德

天顏曾喜我推賢

某常因乞休舉公及  
飽菴自代甚見嘉納

吳門望斷春天

樹剡水懷孤雪夜船一束生芻兩行淚長歌楚些益悽然

鄭氏雙節堂

有序

宗祊如綫泣遺孤苦志相承婦與姑干仞雪松依石壁  
一輪秋月浸冰壺慶源已萃賢孫子風節真勝大丈夫  
驚語推封行有日潛光終見耀寰區

吾浙左方伯鄭公示予雙節堂集蓋皆一時縉紳頌  
其曾祖母祝祖母劉貞節之作也予讀之三歎不能

已夫自世教衰篤行全節求之簪纓圭組之流不可多得況閨門弱質乎又況一門兩世增光媲美以貽慶于後者乎方伯公志節凝峻為時所推重其來固有自乎表厥宅里以旌淑德朝廷令典也而當時缺焉何非斯集之作將遂泯然無傳矣有司者亦安所逃其責乎今方伯公駸駸大用推封上及指日可待則夫幽潛之發匪直斯集而已寧復有餘憾乎予衰耄筆硯久荒覩茲盛美又素心所樂道者故勉贅一



詩且為題其後

永感

為山陰吳大尹瀛作與其兄御史瀚同甲科

椿萱凋謝不勝悲  
棣萼相看兩淚垂  
昭代聯芳丹桂籍  
終天恨抱蓼莪詩  
栢臺花縣承先志  
鳳詔龍光慰永思  
信道德門流慶遠  
義方端不負當時

何提學粹夫見訪

獨掩衡門正養疴  
秋郊憲節忽來過  
多君古雅情如舊  
愧我迂疎鬢已皤  
是處英才霑化雨  
平生直道任風波

一宵清話又成別握手臨岐可奈何

贈何提學粹夫陞南京太常少卿之任

邸報傳聞喜不勝于今公道尚分明雲衢逸足嗟淹滯  
禮寺清班屬老成故舊多情光敝里衰殘無路送行旌  
遐陬良晤知難再一曲驪駒百感并

粹夫自翰林左遷久淹外服茲方以江浙提學擢南  
京太常少卿粹夫之過吾姚也辱顧予海濱藹然斯  
文故舊之情別去纔數日聞有超擢之命予既喜公

道之乍明而又慨良晤之難再也作此贈之聊致區區惜別之意

次韻許堯弼觀海一首

渺渺鯨波漾海雲弱流三萬古來聞  
天連遠嶼涵龍屈潮捲平沙起鴈羣  
蓬島路深思獨往紫霞餐足許誰分  
相逢忽動觀瀾興一曲滄浪漫和君

東湖書院次劉東山大司馬韻為吳都憲廷舉作  
溪橋石磴往來通勝景依稀綠野同  
門對竹梧凝晚色

山連亭榭領春風  
塵容駕斷重欄外  
玉屑談霏四座中  
試向源頭尋活水  
湖光漾漾宿難窮

絕澗縈迴萬壑通  
草堂真趣許誰同  
天開梧野空塵宇  
地接桃源尚古風  
絃誦窻虛聞月下  
漁樵路迥出雲中  
主人漫動思歸興  
憲節方當惠困窮

嚴梅谷八十壽詩

壽筵歡笑謁庭幃  
昨夜祥光動少微  
梅谷含芳娛晚景  
蘭階毓秀駐春輝  
寵承天上新封誥  
興在江邊舊釣磯

桑梓故交今有幾為君聊賦鶴南飛

稽山小隱為許世美作

有序

為耽山水遠移家遁跡稽山鏡水涯  
蘿徑屢更新歲月麻衣長伴舊烟霞  
一瓢飲足何當棄駟馬車高任自誇  
况得仙翁傳秘訣漫添宿火養丹砂

鄉友許君世美移家稽山之陰有年矣因自號稽山  
小隱志欲避遠塵俗今其年踰七望八而脩然步履  
強健不衰真得隱逸之趣可嘉也故為作此以美之

鄧憲副挽詩

名名輔

急流蚤計賦歸來夢入華胥竟不回塵沒可憐無價寶  
雲驤空羨出羣材年光冷落新香社門望巍峩舊憲臺  
我為故情歌楚些悲風蕭瑟動蒿萊

憶松為崇德葉銀作

喬松千尺比靈椿不見音容夢想頻華表依稀歸鶴唳  
白雲香靄護龍鱗驚心漸覺冰霜老轉眼俄驚節序新  
最苦夜深風不定慈烏聲急倍傷神

小兒璽贅韓宅忽報美璋喜而有作呈司寇親家

東山衍慶藉安陽驚喜華緘報美璋幾夕熊羆頻入夢  
九霄奎壁燦呈祥新陽騰毓蘭階秀遠兆先占桂籍香

小兒贊善謬主順天鄉試適有小錄寄至故云勝日擬為湯餅會高軒顥望貴

遐鄉

贈詹司訓休致還建寧

落花飛絮正紛紜三疊陽關酒半醺世路古來輕宦轍  
離情今復重斯文門牆雨足新桃李囊篋風清舊典墳

想見故園行樂地松間石上臥看雲

自號松石

寄陳汝玉都閫

有序

漕渠歸路憶聯舟轉盼俄驚二十秋  
老我山間虛歲月多君閫外富謀猷  
建牙舊重留都勢仗鉞真分聖主憂  
會際風雲頭尚墨佇看勲閥擅東甌

陳都閫汝玉武而好文溫雅詳慎為縉紳所推重正  
德丙寅冬予自京歸休汝玉時總浙漕竣事還並舟  
而南途次周旋者幾兩月辱以世契之故相與甚洽



今忽忽二十年矣汝玉譽日隆遂自吾浙闡擢留都  
營帥予喜其大用有日勲業所就殆未可量也作此  
寄之用致期勉之意

楚母太孺人挽詩

有序

花封善政由慈訓萊彩新歡慰遠思封誥擬承天寵渥  
訃音忽動邑人悲哀麻扶柩囊無物老穉攀轅路有碑  
衰病未能從執紼些詞聊為送靈輶

吾邑宰西夏楚君國寶自寶坻推調來其母太孺

人以道遠留京師久之今年春始就迎養太孺人有懿範君克承順其志愷悌得民實慈訓所及民咸頌其賢居數月太孺人疾作遂不起可哀也君今扶柩歸行李蕭然其廉又可知已今故為作此以悼之

贈陳推府考績之京

有序

驪駒遙送行旌為念通家故舊情大郡明刑初奏績  
甲科高第蚤蜚聲江頭柳色離亭迥雨後波光驛棹輕  
比歲東南多水旱好將民隱達承明

杭府推陳君以名進士佐郡有賢聲茲既滿三載將  
上京奏最君以其兄全與吾子丕為同年也甚相厚  
故特為作此以贈其行

哭晦菴先生詩

忽漫睽違二十春驚聞哀訃倍傷神望窮雲樹馳情遠  
誼重金蘭入夢頻壽域幸同嘉靖日典刑俄失老成人  
榻前末命從公後追想當時淚滿巾

送靳二守九載考績之京

有序

海鄉翹首望錢清無計攀轅奈爾行別駕獨賢諸邑頌  
斯文相與十年情碧波渺渺離懷遠岐路悠悠客感并  
超擢有期遙洗耳于今公道尚分明

郡二守靳君元佐郡滿九載將奏最上京予病臥海  
濱辱顧念甚厚而不能一餞送悵惘何已因作此以  
贈其行君廉慎自持九載如一日而觀風者旌舉每  
不及之予嘗為之不平也然公論有在終不能泯當  
必有不次之擢故于其行深致望焉

別石崖弟方伯

弟南兄北念分携怪底楊朱泣路岐  
潦水微茫烟樹香  
海天寥廓鴈書遲嚴程未數憂先集  
殊遇難酬力已疲  
何日歸來遂初願一堂歡笑叶埙篪

和遂翁老先生免朝志感一首

黃扉晤語真如夢白首交盟尚未寒  
龍禮獨優公不忝  
明良相際古來難靖邊策試騰空劍  
華國文章點鐵丹  
宵旰于今憂正切燮調須致萬方安

奉旨免朝和邃翁老先生韻一首

衰病不辭千里遠  
聖慈深念五更寒  
風雲慶會誰言晚  
天地恩私欲報難  
更化只今回泰運  
駐顏何處覓還丹  
乞骸仍合尋邱壑  
伴食終朝可自安

和邃翁郊壇齋次一首

禮重圓丘夜炳蕭  
齋宮旌旆四周遭  
官階何幸重聯珮  
契誼元同舊賜袍  
扈從班衣仙蹕迥  
裸將步怯內壇高  
上台絕唱誰能不  
獨詩稱一世豪

和遂翁慶成宴一首

九重更化正宵衣舜日光華萬國依  
大祀既成初錫宴  
屏工不醉未容歸塵空紫陌元宵屆  
氣轉鴻鈞下土晞  
殿上鵷班忻接席江湖翻恨久相違

和羅峯郊壇韻一首

馨香自古維明德夢卜于今得異才  
一代文章凌漢室  
百年靈秀萃天台內壇分獻神應格  
和氣流通春正來  
調燮付公須盡力亦知泰運自天開

金文公集卷之七  
哭陳子陽詩一首

江上維舟送我行，面顏憔悴已心驚。  
離懷耿耿未終歲，哀計悠悠忽到京。  
奕葉簪纓承世澤，專門詩禮重鄉評。  
百年遺恨松蘿託，繼述猶應望兩甥。

和太醫蕭院判詩一首

久矣心灰不復然，京華重晤亦天緣。  
舊遊落落憑誰語，往事悠悠祇自憐。  
藥力可能回老倒，生涯何用問神仙。  
乞骸又喜承殊渥，歸思蒼忙旅鴈前。



和韻答邃翁二首

詔憫衰殘特賜歸  
晚辭丹陛欲沾衣  
江湖老我憂仍切  
朋舊如公恨已稀  
池上聯班真不偶  
路岐握手又相違  
何當慰我瞻依渴  
短札長空有鴈飛

出塞重聞開督府  
歸朝端合佐明堂  
白頭寵眷真奇遇  
丹宸敷陳總舊章  
羣策未容遺董賈  
九重直欲邁羲黃  
匆匆離合悲衰晚  
疇昔交情可易忘

和韻答羅峯一首

金文四庫全書  
英傑方當承春倚衰顏只合賦歸來鳳麟嘉瑞呈當世  
奎壁文光燭上台共道衣冠隨世泰即看釣軸挽春回  
江頭契誼俄成別書札因風莫吝裁

和韻答石門一首

病骨自慚搔白首崇班何幸逵丹墀拔英曾喜紉蘭佩  
視草重來共硯池悵望鄉關情獨遠迴瞻天闕步仍遲  
致君堯舜今相付我已無能答聖慈

南溪為徐望之作其人善小兒醫

南溪真趣更如何四面峯巒擁翠螺徑蘚雨深妨採藥  
屋茅風破漫牽蘿閉門絃誦知音少挿架方書活幼多  
老興尋幽殊不淺藍輿特許為君過

張御史具慶膺封

聖朝大典重明倫柱史推封紫誥新壽儷椿萱真具美  
榮膺繡斧正行春臺端風采輕山嶽家慶歌聲合縉紳  
素志已酬何所祝願言移孝答皇仁

壽姻家翁陳太守八十有序

泮水南頭啓壽筵太邱遺澤勝綿延金章紫綬輕身外  
桂子蘭孫滿膝前椿樹根深纔八十蟠桃果實更三千  
馳情不特松蘿托猶憶芸憲共簡編

太守陳公廷實予少嘗同筆硯遂締姻盟欽好至于  
今無替今公壽八秩值初度辰賓朋滿座而予以衰  
老居海濱獨不得持一觴稱壽情不能已聊賦此致  
區區之意

次聯句韻有序

軒車忽訝過江東高誼于今邁古風  
廿載故情千里隔連宵清話一尊同  
閒中歲月慚虛度眼底交遊覺漸空  
大拜有期頻洗耳聖明方自攬羣雄

憶昔分携出禁城離懷長自重行行  
九天寵命膺方岳濱海旬宣枉旆旌  
報國君應酬素志問年吾已愧殘庚  
遐邇良會知難再竟日淹留不盡情

錦夫方伯居京時辱與吾子丕同筆硯  
契愛甚篤自正德初睽違迄今二十有  
五年矣天各一方思欲一

良晤不能得每月耿耿茲方伯乃假旬宣之便枉顧予  
于海濱高情雅誼何可當也因次聯句韻二首以志  
感且用叙別但愧頃衰病之餘詞不足以達意

挽詩一首寫上德初老年兄靈石同年三百零落  
殆盡紹興一郡僅存吾二人公今又棄我而先  
往矣奈何奈何悲哀之甚言不成章九原亦知  
之否

歸來社會不嫌頻每恨稽山隔海濱世業一經賢父子

明廷三策舊天人蒲鞭遺愛黃堂迥錦誥加封白髮新  
同榜英賢零落盡病鄉聞訃倍傷神

楊邃庵先生挽詩

都門話別兩經年回首雲霄每悵然宦轍論文今有幾  
江鄉會老竟無緣白頭督府猷仍壯黃閣溫綸寵更偏  
塵世悠悠真一夢獨留殘稿續長編

元夕病中寫懷

天上歸來久杜門生平心事與誰論衰殘伏枕還憂國

強起含飴且弄孫  
元夕華燈喧里巷  
新春淑氣滿乾坤  
追思朋舊今無幾  
何日相過倒一樽

歸田稿卷七



欽定四庫全書

歸田稿卷八

明 謝遷 撰

七言古詩

鷹為楊仲謹題

長風怒號振林薄  
黑鷹殺氣騰寥廓  
妖狐奉頭草間死  
靈鵲高枝仍噪喜  
亦知搏擊輸鷹鷂  
毳毼老鶴徒乘軒  
紛紛狐鼠競當路  
白日欺人況遲暮  
秋來那得一鷹擊

我見此圖三歎息

楊柳青

直沽南頭楊柳青昔時楊柳今凋零霜風滿地散黃葉  
河邊索寞雙郵亭人道垂楊管離別南來北往競攀折  
我來袖手憐枯枝躑躅臨河駐旌節五雲回首懷漢宮  
丹楓轉眼經霜空李梅冬實豈佳味垂涎奔走嗤狂童  
陽回萬物自生色斡旋造化慚無力百年心跡歲寒同  
卻憶南山舊松栢

食鮮魚有感

我家舊住東海濱盤餐市遠惟鮮鱗腐儒粗糲自安分  
筵前不慕羅奇珍十年謬竊黃扉祿堂膳虛叨大官肉  
太牢滋味違賤腸翻憶魚羹常不足秋風蕭瑟吹蚤寒  
蓴鱸野興歸張翰鹽梅調劑邈無効迴思鼎耳殊汗顏  
江湖悠悠隔霄漢從今取足魚羹飯食芹知美敢忘君  
欲獻無由發長歎

和兩峯懷西湖之作

武林城西山遶湖湖山曾駐南宋都偏安風景已陳跡  
只今一統歸皇圖太平勝槩盡圖裏楊柳風輕杏花雨  
蘇堤虹臥聯六橋歌吹聲中紛士女孤山雪後寒梅香  
岳墳愁怨啼黃鶯湖山主人遠分閩兩峯回首思茫茫  
吾生久已辭金馬幽懷每在孤山下湖船唱和待公歸  
我願低頭拜東野

和雪湖觀打魚有感之作

用杜韻

雪湖渺渺通江津湖波潏潏光翻銀就中疑有蛟龍窟

沉潛豈復論纖鱗亢陽經秋澤欲竭海鄉魚工鈔入神  
長叉密網條來集湖堤十里浮埃塵渭濱老翁方鼓刀  
旁觀袖手雙肩高非熊不慕後車載乾坤只恐名難逃  
斷金從來兩心一靜裏秋風愛蕭瑟湖山舊遊更誰在  
相伴漁樵莫相失

汪進之通判瑞芝堂次李西涯韻

竹憲不是悠悠者肥遯當年在荒野墓田靈芝出九莖  
瑞應從天豈云假傳家舊富五車書賢郎蚤躡青雲衢

閭門駟馬當漢盛高山深谷非秦餘白髮蕭蕭老彌壯  
木假三峯儼相向芝莖移置中峯前旭日光生畫堂上  
新安世家世所無芝蘭奕葉千百徒頗聞餘慶自疇昔  
信知積善真良圖階下孫枝更奇秀京兆錦衣歸白晝  
翁今已矣堂巋然且捧霞觴獻慈壽

進之乃翁已故母夫人在堂故云

和雪湖雪中見懷長句

解天剛風吹霰雪澥壖靜晝潮聲澈遠村煙樹影明滅  
寂寞江湖斷魚鼈閉門縮首避寒冽對酒高歌睡盂缺

念及疲癯心尚切調燮當年慚就列  
遭際風雲敢容悅  
舊隱歸來山巖崿秋風門巷懸我轄  
知己相逢憐久別  
握手歡顏溢眉睫  
王陽畏途輕九折  
往事經心耳猶熱  
稽康有書交未絕  
再續前盟忘蹇劣  
歲寒來往兩山窟  
雪磴雲崖自天設  
橘中樂事龍縞襪  
卒歲優游共丹穴

阻風夜泊鄭家口

黑雲匝地風怒號  
河流突兀翻波濤  
輕帆大櫓不得展  
舟師撐拄惟長篙  
長空冥冥飛鳥絕  
村墟煙火俱蕭條

郵亭隱見鄭家口泊舟倉卒橫塘坳前途伴侶旋相失  
挑燈搗鼓頻頻招燈前呼兒具尊酒胸中磊砢差可澆  
狂歌一醉且高枕征途逆旅隨所遭天工陰晴亦叵測  
摩娑醉眼看明朝風恬日出波浪靜一息千里真鴻毛  
浮生行止每如此客心何用空焦勞

葡萄西瓜饋雪湖辱示長句次韻答之

徑路草深客稀過衡門晝掩成獨坐披襟散髮傲羲皇  
舞鶴鳴琴代賓佐山中自詫擬封君木奴千頭竹萬箇



圃蔬園果逐時新獻納從公無小大葡萄瓜種俱西來  
憶從博望天荒破清芬不用自煎茶佳境寧論倒餐蔗  
冰盆滿泛恣浮沉廣席敷陳愜尊榮分甘聊復倦同心  
兩地遙知共清暇斜封博取玉川歌陽春調高真寡和  
效顰吾已忘妍媸白戰今仍勵慵惰東西十里隔山城  
往來卻媿郵筒荷

疊前韻答雪湖

浮雲變態眼前過曲肱晝眠伸脚坐許身翻笑平生愚

濟時欲效商周佐十年綸閣誤遭逢百技無能空一箇  
乞骸幸遂歸田園種種頭毛成老大海鄉荒僻乏溫湯  
六月中旬瓜始破葡萄帶雨亦垂垂色映明珠漿比蔗  
適意聊充席上珍薦客還傾掌中竿獻芹率爾嗤野人  
咏物知公有餘暇村社粗糲勞品題一唱朱絃況三和  
涼州苟得真可羞東陵自鋤吾敢惰清狂更詫農圃師  
細雨長鑿時復荷

雪湖和章疊至家僮遞詩往來頗廢農業戲用前

韻嘲之

永夏炎蒸不得過  
白晝困眠宵起坐  
井梧一夕報新秋  
少昊司天蓐收佐  
羲和平秩正西成  
禾黍離離實箇箇  
老農比屋動歡聲  
有年特筆當書大  
追思往歲凶且饑  
十室空虛九家破  
草根木葉俱充腸  
誰信苦荼甘比蔗  
老我歸來傷里鄰  
賀客登門廢杯斝  
商家霖雨慚罔功  
青州糜粥殊無暇  
今年幸復際昌期  
一曲昇平笑相和  
昔聞丈人譏仲由  
五穀不分四體惰  
奚童遞詩姑息肩

種桂登場忙負荷

又用雪湖韻寫懷一首

懸崖欲斷青溪過石上高眠醒來坐泉聲到處玉琮琤  
舉觴不用笙簧佐人言佳境欠茅亭紫翠中間著一箇  
箇中適趣僅容膝傲睨乾坤不知大曲徑斜通花木深  
虛窓洞啓烟嵐破暗香疎影月中梅玉液瓊漿雨餘蔗  
時呼野鶴上軒除旋摘園蔬薦賓尊秋來豐樂如有期  
老去宜休信多暇高文寧愧北山移清唱聊隨東郭和

牛屯牧處芳草多舊日生涯未容情如今亭上望牛屯  
蓑笠無勞雨中荷

和雪湖喜雨長句用舊韻

夢中驚聞雨來過攬衣夜興冠而坐渴腸頓慰真如甦  
簷聲況有清風佐黃童白叟競喧呼好懷豈直予一箇  
幹旋始信帝力存霑霑何必雷聲大祁祁霏霖連三朝  
風條不鳴塊不破向來酷暑將十旬禾黍皆芽茶亦蔗  
炎埃蔽空迷咫尺掘井求泉論杯斚桔槔密比徒爾忙

金分府公集 卷八  
銓鑄高懸總成暇  
煦沫可憐魚盡枯  
鳴埭終聞鶴相和  
秋深場圃俱已空  
雨後來牟豈容惰  
殷勤杖策告鄉鄰  
木柄長鑱亟須荷

安平鎮追頌先帝治水之功也

黃河夜決荆隆日  
馮夷怒逐天吳吼  
洪流洶湧奔張秋  
長堤一掃津吏愁  
波濤入海運渠竭  
南來北往舟航絕  
下流昏墊尤可傷  
多少蒼生侶魚鼈  
奏書星馳插雙羽  
宵衣旰食厪當宁  
大寮承命合分憂  
夙夜經營靡寧處

丁夫百萬如蟻集連延市鎮成聚邑皇仁惻怛重勞民  
詔旨丁寧戒毋急四方畚鍤真子來伐石捲埽聲喧阗  
不須沉玉媚河伯堤完脩忽功奇哉玄主告成自天錫  
百神効靈人効職安平再續神禹績萬歲千秋歌聖德

宴鎮越堂

酬錢二守

石帆如揚石傘張鑑湖萬頃雲微茫龍山中盤據奇勝  
巍堂鎮此神仙鄉懸崖千尺濺飛溜清渠九曲流羽觴  
華筵高會總冠冕文如滕閣來三王道同賓主意真洽

坐深爾汝形相忘良辰况直時雨霽東風扇煖呈農祥  
陽春有脚沛膏澤霑霑合郡殊汪洋嘉賓滿座成燕喜  
主人令德宜龍光落花紛紛石墀淺爐烟裊裊春晝長  
樓臺倒影日欲晚觥籌交錯情未央酒酣起舞為君祝  
丈夫勲業銘旂常歲旱誰當作霖雨濟川自古須舟航  
福星不獨炤吾郡窮簷蔭屋俱徜徉

次韻為雪湖壽母

碧桃花殷爛錦堆洞門夾徑通榆槐高堂弄孫飴滿頰



壽筵尊俎方規恢海鮮嘉味雜鯨鮐軒墀舞鶴霜毳毼  
八荒壽域自天開背萱日煖根重培青雲甲第近蓬萊  
彩霞屏障時低徊滿堂賓客皆仙才傳書青鳥晨初回  
王母駕自瑤池隈最後劉阮由天台南山當戶碧歲鬼  
作朋三壽非今纔承顏萊子戲學孩上堂詐跌還持杯  
隊舞諸孫紛後陪獻笑或作方朔詼繁絃急管喧春雷  
賓筵未坐遲我來鶴南飛曲塤簾偕不須投轄銜自駘  
為君倒盡先春醅天瓢願借添金罍從今一歲來一迴

次韻咏芍藥酬雪湖

春來玩芳浩無盡凌亂穠華與時競最憐紅藥殿餘春  
當堦凝露埃塵淨林塘一逕斜通幽煖風扇動烟霧收  
佳人懶粧日高起翻身欲舞低含羞翠鈿步搖紛可撮  
霞佩玲瓏欲霏屑未須金帶圍已竒獨占瑤臺地尤絕  
養花天氣陰復晴細簾半捲虛窻明玉缸春酒舌不飲  
蔗漿茗椀真雙清君家池館舊分種兩地相望人比重  
酒盃無分亦頗同花前想見吟肩聳看花莫論姪與妍

閒中適意俱悠然夏蓮秋菊各隨偶對景且復陶餘年  
花開花落等閒過世事如花漫高臥賞心無惜杖藜頻  
君若歌時我來和

和雪湖題史都憲墨竹長句

虎頭猛氣摧強敵八陣雄圖歸畫筆醉墨淋漓恣揮灑  
俗塵未許輕相逼雪湖自號太瘦生高誼直薄秋雲橫  
吟肩雙聳碧峯立長歌時出摩空聲兩公詩畫非苟作  
延平寶劍成對躍風恬波靜朝雨晴匣中隱隱猶雷鳴

庖丁游刃有餘地目無金牛輕一世鳴球戛擊互鏗鏘  
恍疑韶濩陳廟堂嗟余飽飯惟捧腹百事忙然痴睡足  
世間巧拙未須論袖手旁觀真碌碌歲寒三友梅竹松  
冰霜節操由來同孤山徂徠邈何許蕭蕭淇澳生秋風  
眼前物色自分曉世情卻愛春楊柳安得妙手添松梅  
著與修篁共堅守魏侯寶此長如新琅玕珠玉爭嶙峋  
高堂相對亦自勵要使清風動海垠

歸田稿卷八